

18.06.2020թ

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 392123/03-Վ

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 18.06.2020թ թիվ 23242 վարչական իրավախախտման վերաբերյալ գործը,
ՊԱՐԶԵՑԻ

«ԴԱՏԱԼԵՔՍ» ՍՊԸ տնօրեն Քրիստինե Զիլֆուղարյանը (ՀՎՀՀ՝ 02655949, Հասցե՝ ք.Երևան, Եր.Քոչար 13, 20) ՀՀ Հարկային օրենսգրքի 156-րդ հոդվածով սահմանված ժամկետում չի ներկայացրել **2020 թվականի հունվար ամսվա եկամտային հարկի հաշվարկը**, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Վարչական վարույթի շրջանակներում կողմին փոստային ծառայության միջոցով ծանուցագիր է ուղարկվել վարչական իրավախախտման վերաբերյալ արձանագրության կազմմանը և գործի քննությանը մասնակցելու համար, սակայն 20.04.2020թ-ի դրությամբ ծանուցագրի ստացման փաստը հավաստող ապացույց առկա չի եղել:

ՀՀ ՊԵԿ իրավաբանական վարչության պետի կողմից համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի 20.04.2020 թվականին կայացվել է վարչական վարույթը կասեցնելու մասին թիվ 392123/03 որոշումը:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացրել գործի քննությանը: Գործում առկա չէ գրավոր առարկություն կամ բացատրություն:


ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Քրիստինե Զիլֆուղարյանի կողմից 2020թ.-ի հունվար ամսվա եկամտային հարկի հաշվարկը ներկայացվել է 21.02.2020 թվականին՝ մեկ օր ուշացումով:

Ելնելով վերոգրյալից և նկատի ունենալով, որ հաշվարկը ներկայացվել է մեկ օր ուշացումով՝ 21.02.2020թ.-ին, հետևաբար Քրիստինե Զիլֆուղարյանի արարքը ունի նվազ նշանակություն, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով՝

ՈՐՈՇԵՑԻ

1. Քրիստինե Զիլֆուղարյանի վերաբերյալ հարուցված թիվ _____ վարչական վարույթը վերսկսել:
2. Քրիստինե Զիլֆուղարյանին ազատել վարչական պատասխանատվությունից և հայտարարել բանավոր դիտողություն:
3. Քրիստինե Զիլֆուղարյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ